



## Quotidiana Christiani Militis Tessera

Stanyhurst, Guillaume

Coloniæ Agrippinæ, 1682

10. Dies Maii. Q quanti Veritatem quærunt non in veritate: quæsitam  
inveniunt non ad veritatem, sed ad vanitatem. Richardus de S. Victore  
serm.

---

---

**Nutzungsbedingungen**

[urn:nbn:de:hbz:466:1-55659](https://nbn-resolving.org/urn:nbn:de:hbz:466:1-55659)

## 10. DIES MAIL.

O quanti Veritatem quærunt non in veritate : quæsitam inveniunt non ad veritatem, sed ad vanitatem. *Richardus de S. Victore serm.*

Curiositas in noxiis scientiis.

I. **D**iogenes morum, nescias an acrior Censor, an eruditior Præceptor, tria hominum genera carpere solebat & curiosæ scientiæ arguere, Historicos, Musicos, Astrologos. Hostres, ternis his punctis pungemus, ut inanem in scientiis comparandis curiositatem castigemus. I. Carpendi Historici : arguendi sunt, quòd inquirant studiosè, quid ubique terrarum olim est gestum, vel modò geratur in orbe, ignari quid agatur in corde. Quid inde fructus, scire quomodo Jupiter duxerit uxorem, quæ fuerit patria Homeri, de Æneæ matre vera, an Sappho publica fuerit, & alia quæ erant discenda si scires? Quid stultius quàm sagaciter rimari quid agatur apud Garamantas, & Indos, & negligere quid agatur intra nostra præcordia, & fibras habes cujusque Regni & Reipublicæ statum exploratum, & non consideras animi statum deploratum. Non nocebit ista transire, quæ non proderit scire. Fies, ubi omnes fastos, & annales cognoveris, scientior, non melior. Non opus est volutare historias, & volvere historicos, ut quid tibi sit faciendum boni, aut declinandum mali, intelligas. Quidquid nos melio-

Majus.

Teffera.

355

meliores, beatosque facturum est, Deus aut aperto,  
aut in proximo posuit.

II. Musicos carpebat Diogenes, quòd cum ci-  
tharæ fides artificiosissimè temperarent, & in  
suavissimam aptarent harmoniam, animæ tamen suæ  
facultatibus tam malè moderarentur, moribusque  
inconcinnis essent, ac dissonis; cumque in homi-  
num auribus demulcendis, tantum operæ, ac laboris  
ponerent, in mente sua componenda, pravisque ejus  
motibus sedandis, essent tam socordes. Musica mon-  
strat tibi qui sint modi flebiles? monstret potiùs quo-  
modo inter diversa non emittas flebilem vocem. U-  
tilius disces modum ex dolore pulsandi corda, quàm  
chordas. Satius est comprehendere benè unum  
punctum Fidei, quàm esse gnarum ludendi fidibus.  
Sæpè infringuntur virtutum nervi, cithararum, dum  
mollia canuntur, nervis. Nam impuditiæ aditus ape-  
nitur, dum hic agili plectro tinnientis testudinis sonos  
expedit, ille docili digito laborantis organi blandi-  
mento componit. Undè facilè dum suavi voce mul-  
cetur auditus, ad turpe facinus invitatur aspectus.  
Nemo igitur insidiosis cantibus, & flexanimis mo-  
tulationibus credet, quæ cum oblectant, sæviunt,  
cum blandiuntur, occidunt. Quapropter quid con-  
fert musica quæ nec ignorantem nocet, nec scientem  
juvat? si tanta tibi canendi est libido, hinc potiùs præ-  
ficarum instar, flebili lessu, cane in valle lachryma-  
rum velut exul funebria epicedia, ut postea in cælis,  
velut victor, canas jucunda epinicia.

III. Sequitur tandem Astrologus: hunc insimu-  
labat Diogenes vesaniæ; quod sui oblitus inter siede-  
ravagaretur, totusque sphaerarum, ac globorum  
cæle-

cælestium ordini, proportioni ac numero intentus virtutes quæ fulgore, & radiis stellas omnes multis gradibus excedunt, pulcherrimamque in anima harmoniam efficiunt, negligeret. Quid referet me scire, ut sollicitus sim cum Saturnus, & Mars contrario constabunt? aut cum Mercurius vespertinum faciet oceasum vidente Saturno? potius quam ut hoc dicam, ubicumque ista sint, ut sim semper inter dissimilia mei similis. Conducet magis ad salutem, cavere ne sol occidat supra meam iracundiam, quam investigare solis eclipticam. Suspicio illam Astrologiam, quæ eò me deducit, ut cælum contemplatus exclamem: *Quàm sordet mihi terra, dum cælum aspicio.* Scitè Demonax, cum quidam inquireret, an mundus esset animatus? & rursus, an globosus? Vos, inquit, de mundo solliciti estis; & vestram ipsorum immunditiam non curatis. Sic multi impensius sunt solliciti ut aspiciant stellas, quam ut fulgeant quasi stellæ in perpetuas æternitates: & ut intelligant labores, & defectiones mutabilis lunæ, quam ut ipsi stulti non mutantur ut luna: & ut in cælo percipiant planetam Veneris, quam ut extinguunt in se ignem Veneris. Stude potius animum excolere virtutibus, quam inhærere aspiciendis sideribus.

*Virtute excultus, tolles ad sidera vultus.*

## II. DIES MAII.

**N** Superbia etiam in rectè factis cavenda, ne homo dum quod Dei est, deputat suum, amittat quod Dei est, & redeat ad suum. *S. August. de Nat. & Grat. cap. 32.*

I. Nun-